

Pol da Korin Amin do Papia 2 Mandagit

But piso gen

Korin panmuwukbi diwari da Pol do yanba yokwi tok awit, do Pol butjik madepsi nandagit. Ae yabekbi toptopmi diwari da yoyindet gulusun anek Pol abin yipgwit. Pol da Korin amin gat gen unun anmilip ak do nandagit, ae iyi do Pin kop dakon yabekbi bamisi kinda yan nandan imni do papia on mandagit. Yan anek ae kosiri kinda gat tagisi nandan yom do anek papia on mandagit.

Gen mibiltok wasanek mandagit unungwan Pol da gen tebaisi kalip Korin amin do yipgut unun do yosok. Gen unun dima yip do nandagit, mani kwen wigik anek yanba yokwi tok an ingwit, do gen tebaisi yipgut. Yipban gen unun nandanek anpakni panmilip awit, do abisok kisik kisik madepsi nandan yomisak.

Unun bisapmon panmuwukbi Judia miktimon egipgwit unun yokwisi egipgwit, do Pol unun do monen pan ki yom do monen panmuwukgit. Do kilapmi 8 ae 9 non Pol da Korin minjat aminyo da pi unun do monen panmuwutni do buri pan tagap ak do gen yipgut.

Pol da Pin kop da yabekbi kabi do pi yomgut unun do yagit

(Kilapmi 1-7)

¹ Nak Pol, nak Yesu Kristo dakon yabekbini. Pin kop da iyi da galaktogon pi unun namgut. Nak

gat ae notnin Timoti gat da papia on Pinjkop dakon panmuwukbi Korin kokup papmon ekwanj gat, ae telagi panmuwukbi morap Akaia provinskon ekwanj, ji kisi do mandan damamak.

² Pinjkop Datnin gat ae Amin Tagi Yesu Kristo gat da nandan yawok daminek butji panjawot abal yawori tosak do bisit amak.

Pinjkop da jigi bisapmon butnin panjeban asak

³ Amin Taginin Yesu Kristo dakon Pinjkopni ae Datni unun anjksinej. Unun Datnin bupmi ami, ae amin morap jigi pan unun butni panjeban asak dakon Pinjkop.

⁴ Jigi bisap morapmon butnin panjeban asak. Pinjkop da butnin panjeban asak, unuden gin nin da jigi mibili mibili pan amin morap buri panjeban aman.

⁵ Tepmi madep Kristo da pagit unuden gin ninyo kisi paman. Ae Kristo da butnin panjeban aban butnin yaworisi tosak.

⁶ Nin jigi paman bisapmon ji da but yawot pani ae Pinjkop da ji yokwikon ban timitjak unun do anjek paman. Ae Pinjkop da butnin panjeban aban butnin yawori tosak bisapmon, jiyo kisi but yawot pani do anjek Pinjkop da yan asak. Ji tebai agek nin da tepmi paman unuden gin tepmi pani kan, Pinjkop da butji panjeban akdisak.

⁷ Ae ji jigikon tebaisi atdan yanji nandan damaman, nido ji nin gat kisi jigi kalonji paman, ae nin gat kisi but yawot kalonji timitdaman yanji nandaman.

⁸ Not kabi, nin Esia provinskon jigi pagiman unun ji da nandani do nandaman. Jigi madepsi da nin pabin nipmanek unun da tapminnin pabigit. Aban nin kimotdaman yanɓi nandagiman.

⁹ Asisi, kimot akdaman yanɓi nandagiman. Nin tapminnin madep dima yanɓi nandanen do jigi unun noman taɓ ningut. Piɓkop amin kimakbi kimoron baɓ paban pidot pidot amin unun daɓin nin aripmi tagi paɓpulugosak yanɓi nandanen do jigi unun pagiman.

¹⁰ Unun jigi paɓek kimoronsi kigiman, mani Piɓkop da kimoron baɓ paɓpulugagit, ae don yo kisi nin jigikon baɓ timitɗisak. Jigi morap noman taɓ nimni bisapmon Piɓkop da nin jigikon baɓ paɓpulugokɗisak yanɓi nandan teban toman.

¹¹ Mani ji nin paɓpuluganek bisit aba Piɓkop da amin morapmi dakon bisitni nandanek nin paɓpulugosak. Anɓakwan amin morapmi da Piɓkop da ninon paɓpulugok asak unun kanek ya yan iyini.

Pol da Korin amin top dima yoyigit

¹² Nin yanɓi nandaman, on miktimon Piɓkop da nin paɓpuluganɓakwan nin aɓpak telagisi aman ae gen bamisi baɓ yoman. Ae jikon yan ginsi agiman. Nin on miktin dakon nandan kokwin tagisi dima yolguman. Piɓkop da nin nandan yawok niminek paɓpulugagit, do nin aɓpak agiman unun do nandano wigisak.

¹³⁻¹⁴ Nin papia mandan yopno jikon oban bisapmon gen ji da manjinek mibili tagi nandan pisogi unun baɓɓin mandaman. Asi, bisap

dɪwarikon gen mandamanɔ ji da mibɪli dɪma nandanɔ. Mani nin gen morap mandamanɔ unun ji da pakyaŋsi nandani do nandamanɔ. Ae Amin Tagi Yesu tobiɓ apjak bisapmon nin da ji do tagisi nandamanɔ yaŋ gin ji da nin do tagisi nandani do nandamanɔ.

¹⁵ Nak yaŋsi nandagim, do abiŋ dandanɛk paŋpulugoko kisik kisik aba kosiri bamori asak do nandagim.

¹⁶ Nak Masadonia provins kik do obiŋ ji dandanɛk don Masadonia kikenɔ yaŋ nandagim. Ae don Masadonia da tobiɓ obiŋɛk ji dandanapbo ji da kosit agipbenɔ dakon yo di anɔpuluganɔba Judia miktimon kikenɔ yaŋ nandagim.

¹⁷ Obiŋ dandak do nandak nandak agim unun kalkali agim yaŋ nandanɔ, ma? Nak yo ak do nandak nandak asat unun miktim amin da gen kaga da “Akenɔ” yaŋ yaŋɛk dɪma aŋ, nak yaŋ asat yaŋ nandanɔ, ma?

¹⁸ Piŋkop gen morapni guramik kimokdok, ae nin gen kagakon da “Aneŋ” yaŋ yoneŋ kaŋ unun aneŋsi.

¹⁹ Nak ae Sailas, Timoti gat nin da Yesu Kristo Piŋkop dakon Monji dakon geni jikon yaŋ tenɛnɔk agimanɔ. Ae disi nandanɔ, Kristo “Unun akenɔ” yaŋ yaŋɛk dɪma kirinɔkdak. Bisapmi bisapmi Kristo “Abeŋ” yaŋ yaŋɛk geni yol kimagek asak.

²⁰ Piŋkop dakon yaŋ teban tok geni morapmi toŋ, ae unun yaŋ teban tok morap da bami toŋ ani do Kristo da “Nak da akenɔ” yaŋ yosok. Mibɪli yaŋ do nin Yesu da manon da Piŋkop dakon man awigek

“Uņun asi” yaņ yomaņ.

²¹ Piņkop da nin gat ae ji gat kisi Kristokon gadaņek paņteban aban tebaisi akgamaņ. Ae uņun da nin gat ae ji gat kisi iyi do manjigit.

²² Uņun iyi dakon amin ekwamaņ dakon tilak yipmaņ ningut. Ae Wupni nin da buron yipgut, do Piņkop da nin do yo tagisi morap diwari nim do yaņ teban tok agit uņun gat kisi don timitdamaņ yaņsi nandamaņ.

Pol Korin tepmi dima kigit

²³ Nak gen bamisi yosot uņun Piņkop da nandisak. Do uņun da manon da bamisi yaņ dayisat, nak Korin tepmi dima opgum nido gen tebai dayiko jigi pani do dima nandagim.

²⁴ Ji nandaņ gadat aņek aņpak yaņsi aņek egipni dakon kila aminji egip do dima galak tomaņ. Ji nandaņ gadaron tebai agakwa ji da kisik kisik pani do pi kisin da amaņ.

2

¹ Yaņdo, nak kalip obiņek jigi dangum uņuden ae kosiri kind a gat jigi dam do dima nandagim.

²⁻³ Jigi dabo but yokwi nandani kaņ, namanon kisik kisik pakeņ? Ji daņin kisik kisik namdaņ, do jikon obiņek butjik pak do dima galak tosot. Mibili yaņ do aņek papia mandaņ dangum. Ji nandaņ, nak yo kind a do kisik kisik abeņ kaņ, jiyo kisi kisik kisik akdaņ gin.

⁴ Nak papia uņun mandagim bisapmon but yokwi aņek kunam pakbino madepsi mawit. Mani papia uņun butjik dam do aņek dima mandagim.

Nak da ji do but dasi galaktan damisat yanſi nandani do mandagim.

Yokwi agit amin dakon diwarini yipman imni

⁵ Jikon yokwi agit amin unun da nak nan jigſi dima namgut, unun da ji ban jigſi damgut. Nak unun do gen tebai dima yok do nandisat.

⁶ Yokwi agit amin kobogſi timitjak do jikon amin morapmi da yawit unun aripmi. Jigſi di gat timitjak do dima yoni.

⁷ Diwarini yipman iminek butni anteban ani. Butjik madepsi nandaban unun da obisi di abin yipban.

⁸ Yanſo, ji da but dasi sigin galaktan iman yan yolini do nak da unun ani dosi dayisat.

⁹ Papi unun mandan damgum unun ji pankilik dandak do mandagim. Ji yo morapmon nak dakon gen guramikgan bo dima, unun kok do anek mandagim.

¹⁰ Ji amin kinda dakon yokwini yipman imni kan, nakyo kisi yokwini yipman iben. Ae yokwi kinda nak da yiyipmi tosok kan, nak ji panpulugok do Kristo da dabilon yokwi unun yipmandat.

¹¹ Yan asat nido Sunduk da nin pankiligek dima pabin nipjak do nandisat. Sunduk da nin pabin nip do pi nian asak unun nandaman.

Pol Taitus kok do nandagit

¹² Nak Troas kokup papmon Yesu dakon Gen Bin Tagisi yan tentenok ak do abin altagim bisapmon, Amin Tagi da geni yoyiken do kosit tagisi yipman namgut.

13 Mani butno yawori dima tagit, nido notno Taitus dima kagim. Do nak Troas kokup pap amin galok gen yoyinjek Masadonia provinskon kigim.

Pinjkop da tapmimon yabekbi emaron teban tonj

14 Mani nin Pinjkop ya yansi iyamanj, nido Kristo da uwalni pabinj yopgut. Ae Pinjkop da mibil tanj niminjakwan nin iyi dakon amin kabini bujon da yolgamanj. Unjun da nin pantagap aban Kristo dakon mibili yono unjun da yo kibanj tagisi da yan dukwan dukwan kisak.

15 Asi, nin yo kibanj tagisi panjalon an unjun yombem banj Kristo da timik Pinjkop do paret asak. Unjun kibanj Pinjkop da yokwikon banj timikdak amin gat, ae Tipdomon pigikdan amin kisi da nandanj.

16 Amin Tipdomon kwan unjun kibanj unjun da kimot dakon kibanjni asak, mani amin Pinjkop da yokwikon banj timikdak unjun kibanj unjun da egip egip dakon kibanjni asak. Namun dasi yabekbi pi aripmi tagi asak? Nin da aripmi dima.

17 Amin morapmi da Pinjkop dakon gen yanj tenjenanjek monej ilikganj nin unjudej dima amanj. Pinjkop da iyi pi unjun ningut, ae nin top dima yomanj. Nin egip egipnin Kristokon tosok, ae Pinjkop da dabilon gen ningut unjun but dasi nandanj yanj tenjenomanj.

3

Yabekbi unjun sanjek sanjek kalugi dakon pi amin

¹ Nin aenin ji da nin do nandaba wɩkwɩn nimni yaŋon da gen on yomaŋ yaŋ nandaŋ, ma? Bo ae amin diwari da aŋ uŋuden nin da amin diwari yoyino uŋun da nin amin tagisi yaŋ ji da nandani do papia mandaŋ niba damneŋ yaŋ nandaŋ, ma? Bo ae nin da dayino ji da papia uŋuden kɩnda mandaŋ nimni yaŋ nandaŋ, ma? Uŋun diyasi.

² Diŋi uŋun nin dakon papia yombem da egakwa amin da aŋpaknin pɩndakgaŋ. Uŋun papia dakon gen butninon mandabi do amin morap da tagi manjiŋek nandani.

³ Ji papia kɩnda Kristo da mandaŋ yɩpban apgut da yaŋ ekwaŋ. Pi aŋapno Kristo da papia uŋun mandagit. Uŋun kɩlda mandak naŋ diŋa mandagit, uŋun Piŋkop dagok dagogi mini egɩsak dakon Wup naŋ mandagit. Ae tiŋmon diŋa, amin buron mandagit.

⁴ Nin Kristokon gadagiŋaŋ, do Piŋkop da dabilon gen uŋun asi yaŋsi nandamaŋ.

⁵ Nin da nin uŋun pi ariŋmi diŋa aneŋ, do nin da yo kɩnda agiŋaŋ yaŋ diŋa yoneŋ. Piŋkop kalonji daŋin tapmim niban pi uŋun amaŋ.

⁶ Ae uŋun da nin paŋpulugaŋban saŋbek saŋbek kalugi dakon pi amin dagagiŋaŋ. Saŋbek saŋbek uŋun gen teban papiakon mandawit uŋun yombem diŋa, uŋun Wup dakon yo. Gen teban da amin dapban kimokgoŋ, mani Wup da egɩp egɩp yomɩsak.

⁷ Piŋkop dakon gen teban da kimot aŋalon agit. Piŋkop da uŋun gen teban tiŋmon mandagit

bisapmon tilimni madepsi gat kisi noman tagit. Do mibiltok Moses dakon tomno dabilni madepsi tenjenagit, aban Israel amin da aripmi dima kokogi agit, ae don tenjeni unun yawokgit.

⁸ Gen teban dakon tilimni da madep agit, mani Wup da pi asak unun da gen teban dakon tilimni yapmanek unun da wagil madepsi tenjenosok.

⁹ Gen teban dakon pi unun nin gen pikon nipmanek pasilneŋ do yosok. Mani unun tenjeni madepni gat apgut, do nin nandaman, Pinƙop da dabilon kilek tok dakon pi unun dakon tilimni unun wagil madepsi daman.

¹⁰ Yo kalugi Pinƙop da asak dakon tilimni unun madepsi daman, anakwan yo kalipmi dakon tenjenni unun moniŋisok, do yo kalipmi dakon tenjenni si pasil mudok do yan asak.

¹¹ Yo kalipmi unun toktogisi dima tagit, mani unun tilimni gat apgut, do yo kalugi toktok teban tokdisak unun dakon tilimni da madepsi daman tenjenosok.

¹² Unun tenjeni da ninon madepsi tenjenanakwan nandan teban tanek jomjom aman, do nin pasol pasoli mini unun do yan tenjenoman.

¹³ Moses da agit nin yan dima aman. Unun tomno dabilnikon tenjeni madep unun kin yawogakwan Israel amin da dima koni yan do imal nan tomno dabilni witjigit.

¹⁴ Mani Pinƙop da Israel amin dakon nandak nandak dakon kositni waman sopgut, ae abisok yo kisi yan gin tosok. Sanbek sanbek kalipmi dakon gen manjan bisapmon imal da yan nandak

nandak kositni wamanj sopmanjakwan gen dakon mibili dima nandanj pisonj. Nido Kristo nandanj gadanj iminjapno unjun kosiron dagin Pinjkop da imal tim unjun kwinihdak.

¹⁵ Asi, kalip da winj ae abisok ekwamanjon Moses dakon gen teban manjanj bisap morapmon imal tim da nandak nandak kositni sopmanj yomisak.

¹⁶ Mani but tobil anek Amin Tagikon kisak amin Pinjkop da imal tim unjun kukwanj imisak.

¹⁷ Nak Amin Tagi do yosot unjun Wup do yosot. Ae Amin Tagi dakon Wup amin kindakon egisak kanj, unjun amin puluganji da egisak.

¹⁸ Nin kisi morap yo kinda da tomno dabilnin dima witjisak. Do Amin Tagi dakon tilim madepni da ninon yamanjakwan nin da pakbi idap yombem da yanj unjun tenjenj panjtabilapno aminon kisak. Tenjenj unjun Amin Tagikon da abinej nin kulabik aban iyi yombem dagomanj. Ae Amin Tagi dakon Wupni ninon pi aban tenjenjni ninon madepsi pap-tosok.

4

Yabekbi unjun miktim kwoba yombem

¹ Pinjkop da bupmi nandanj nimejek pi on ningut, do jigi noman tanj nimanj bisapmon pi dima yipmanjgamanj.

² Dimasi. Nin anjak mayagi ae top anjak morap manji kili yomgumanj. Nin amin dima panjkevalgamanj, ae Pinjkop dakon gen kulabik dima amanj. Nin gen bami nomansi yanj tenjenjanapno

amin da nin dakon anpak kokwinigek Pin kop da dabilon pi kilegisi aman yan kan nandanjo an.

³ Ae amin diwari imal tim da tomno dabilni witjinakwan Gen Bin Tagisi nin da yan tenjenoman unun dima nandan pison kan, unun amin Tipdom dakon kosit nan agek dima nandan pison.

⁴ On miktim dakon pin kop toptopmi Sunduk unun da amin nandan gadat dima an dakon nandak kositni sogut. Aban Kristo Pin kop yombemsi dakon Gen Bin Tagisi dakon tenjenini da unun amin da butgwan aripmi dima pigisak.

⁵ Nin yan tenjenok anek nin do dima yoman, nin yan tenjenok anek yan yoman, “Yesu Kristo unun Amin Taginin, ae unun dakon man pidosak do anek ji dakon oman monji ekwaman.”

⁶ Nak unun yosot nido kalipsigwan Pin kop da yan yagit:

“Pilin tukgwan tenjeni tagi tenjenosak.”

Iyi dakon tenjeni da abin nin da buron madepsi tenjenagit. Nin Kristo dakon tomno dabilni kanek Pin kop dakon tilim madepni kan nandanjo aman.

⁷ Mani yo tagisisi unun yabekbi nin miktim kwoba tepmi tasik togi yombem da kagagwan ninon ton. Amin da unun tapmim madepsi daman unun nin dakon dima, unun Pin kop dakon tapmimni yan kan nandanjo ani do anek nin da giptimon ton.

⁸ Kosit mibili mibilikon da jiggi noman tan niman, mani unun da tapmimnin dima paban. Nandaba kik anek niansi anen yan morapmi nandaman, mani nandak nandaknin yipno dima wital kigit.

4:4: Ep 2.2; Kol 1.15; Ibr 1.3

4:6: WW 1.3; Ais 9.2; 2Ko 3.18

4:7: 2Ko 5.1 4:8: 2Ko 1.8; 7.5

⁹ Amin da yo yokwisi an niman, mani Pinƙop da nin dima nipman dekdak. Amin da nindapba miƙon man pokgoman, mani nin dima tasik toman.

¹⁰ Amin da nin da giptimon Yesu dakon kimot unƙodon koƙ. Do amin da Yesu dakon egip egipni kisi nin da giptimon koƙ.

¹¹ Nin Yesu dakon pi aman, do bisapmi bisapmi amin da nin si nindapba kimotneƙ do pi an. Yanƙo, si kimori giptim timninon Yesu dakon egip egipni unƙodon noman koƙ.

¹² Yanƙo, kimot da ninon pi asak, mani egip egip da jikon pi asak.

¹³ Pinƙop gen papiakon gen yan tosoƙ:
“Nak Pinƙop nandan gadan imgum, do yan tenƙenƙoƙ agim.”

Ae yan gin ninyo kisi nandan gadat aman, do yan tenƙenƙoƙ aman.

¹⁴ Nido nin yansi nandaman, Pinƙop da Amin Tagi Yesu kimoron nan aban pidagit, ae unun da nin Yesu gat kisi kimoron ban paban pidokdaman, ae unun da nin gat ae ji gat kisi timik panƙi nipban iyi da kapmatjok egipdaman.

¹⁵ Unun yo morap ninon noman toƙ unun ji panpulgok do noman toƙ. Ae Pinƙop dakon nandan yawotni da miƙat aminyo morapmikon iren tan yomiƙ yomiƙ an an kinakwan unun da Pinƙop do ya yan madepsi iyinakwa Pinƙop dakon tilimni madepsi tenƙenƙosak.

¹⁶ Yanƙo, nin pi dima yipmanƙaman. Giptimnin unun tasik tok do asak, mani gildari gildari butnin

kalugi aŋ aŋ asak,

¹⁷ nido nin nandamaŋ, jigi tepmiyo pamaŋ uŋun madepsi, mani bisap piŋipmiŋisok giŋ tokdaŋ. Ae uŋun da nin paŋtagap aba nin Kwen Kokupmon dagok dagogi miŋi tilimnikon egipdamaŋ. Uŋun tilim da madepsi aŋakwan abisok jigi pamaŋ uŋun yapmaŋ mudosok.

¹⁸ Yaŋdo, yo dabil da si piŋdari uŋun do dabilnin uŋudon diŋa yiŋmaŋ gamaŋ. Nin yo diŋa piŋdari uŋun do dabilnin kak giŋansi uŋudon giŋ yiŋmaŋ gamaŋ. Nido yo dabil da piŋdari uŋun bisap piŋipmiŋisok giŋ tokdaŋ, mani yo diŋa piŋdari uŋun toktogisi tokdaŋ.

5

Kwen Kokup dakon giŋtim dakon gen

¹ Giŋtimnin uŋun imal yut kabeŋ yombem. Nin nandamaŋ, uŋun miŋtim dakon imal yut kabeŋ uŋun tasik toŋak kaŋ, Piŋkop da nin do yut ŋwakiŋwari kiŋda niŋdiŋisak. Uŋun yut amiŋ kisiŋ da diŋa awalbi, Kwen Kokupmon abidaŋapno toktogisi tokdiŋisak.

² Nin abisok miŋtim giŋtim gat kisi egek iyoŋ iyoŋ yaŋ ekwamaŋ. Nin Kwen Kokup dakon giŋtim uŋun abidono uŋun da imal da yaŋ waban egipneŋ doŋi nandamaŋ.

³ Nido imal uŋun wanneŋ bisapmon nin molaŋ diŋa egipdamaŋ.

⁴ Nin miŋtim dakon giŋtim gat siŋin egek jigi paŋek iyoŋ iyoŋ yomaŋ. Mani on miŋtim giŋtim wagil yiŋmaŋdet do diŋa nandamaŋ. Nin giŋtim

kalugi unun abidono unun da giptimnin kimot asak unun imal nan yan waban egip egip teban egipnen dosi nandaman.

⁵ Pinjkop da iyi unun egip egip abidonej do anjnoman agit. Ae Wupni nin do nimgut, do nin yan nandaman, yo tagisi morap diwaru nim do yan teban tok agit unun gat kisi don nimdisak.

⁶ Nin unun do nandanek unun da butnin panjteban asak. Nin nandaman, nin giptim timnin gat sigin egek Amin Tagi da dubagikon ekwaman.

⁷ Mibili yan do nin yo dabil da si pindagek dima ekwaman, nin nandan gadaron dagin ekwaman.

⁸ Asi, nin nandan teban tanek akgaman. Nin on giptim yipmanek Amin Tagi da kokupmon kino yomaninsikon unun gat kisi egip do nandaman.

⁹ Yanjo, on miktim giptimon ekwaman, bo ae on giptim yipmanek Amin Tagikon kwaman, nin bisapmi bisapmi iyi anjak galak tosok unun yol do madepsi galak toman,

¹⁰ nido nin kisi morap Kristo da inamon gen pikon atdaman. Agek miktim giptimon egipguman bisapmon anjak tagi bo yokwi agiman unun da aripmon tomni timitdaman.

Nin minjat aminyo panpulugono Pinjkop gat but kalon an

¹¹ Yanjo, nin Amin Tagi do pasolgomon, do minjat aminyo nandak nandak kulabik anek Pinjkop nandan gadan imni do pi tebai aman. Pinjkop da nin dakon but pindakdak. Ae jiyo kisi butjikon da nin pi kilegisi aman yan nandani do nandisat.

¹² Gen on ji da man madep nimni yaɗon da diɓa yomaɗ. Ji da nin dakon aɗpak do tagiɓi nandani yaɗon da yomaɗ. Amin diwari da man madep dogin kisiɓ kisiɓ aɗek amin butgwan yo bamisi ton uɗun do diɓa nandaɗ. Nin ji da uɗun amin dakon geni kobogi paɗtobil yomni do nandamaɗ.

¹³ Amin da nin do ɗugiɗi yaɗ yon kaɗ, nin da Piɗkop dakon pi amaɗ do aɗek uɗun do yon. Ae nin nandak nandak kilegiɓi timigek pi amaɗ kaɗ, nin ji paɗpulugok do aɗek pi uɗun amaɗ.

¹⁴ Kristo da nin do but dasi galaktaɗ nimɗek nin paɗtagap aban pi tebaisi amaɗ. Nido nin yaɗsi nandamaɗ, amin kalonjiɓi kindi da nin kisi morap dakon tamo abidaɗek kimakgit, do nin kisi morap kimakgimaɗ.

¹⁵ Uɗun da amin kisi morap iyi dogin nandaɗek diɓa egipni do aɗek kimakgit. Kristo nin dakon tamo abidaɗek kimakgit da ae Piɗkop da aban pidagit uɗun do nandaɗek egipneɗ.

¹⁶ Yaɗdo, abisok da wasaɗek nin on miɗtim dakon nandak nandagon da amin kokwin diɓa amaɗ. Asi, kalip nin on miɗtim dakon nandak nandagon da Kristo kokwin agimaɗ, mani abisok yaɗ diɓa amaɗ.

¹⁷ Yaɗdo, amin kindi Kristokon gadasak kaɗ, Piɗkop da aɗkaluk aban amin kalugi kindi dagosok. Mao! Aɗpak kalipmi pasilakwan aɗpak kalugi kili noman tak.

¹⁸ Piɗkop da iyi egip egip kalugi uɗun nimisak. Kalip nin uɗun dakon uwal egapno Kristo da nin paɗpulugaɗban Piɗkop gat but kalon agimaɗ. Ae

miñat aminyo timik pañapno Piñkop gat but kalon ani do nin do pi unun ninggut.

¹⁹ Nido Piñkop Kristokon pi anakwan miñat amin morap miktimi miktimi ekwan unun timik iyikon pañapban but kalon awit. Unun yokwi morapni awit unun do sanbenek dima nandan yonggut. Ae Piñkop da miñat aminyo timik iyikon pañapban but kalon ani dakon gen bin miñat aminyokon yoyinen unun dakon pi ninggut.

²⁰ Yan do, nin Kristo dakon inam abidanek geni yan tenenok aman. Piñkop da nin dakon gen kagakon da miñat aminyokon gen yoyisak. Nin Kristo da manon tebaisi yansi dayaman, “Ji Piñkop gat uwal tosek unun yipmanek Piñkop gat but kalon ani.”

²¹ Kristo yokwi kinda dima agit, mani Piñkop da nin pañpulugok do anek yokwi morapnin Kristo da kwenon yopban yokwi pakpak amin kinda dagagit. Nin Kristokon gadanek Piñkop dakon miñat aminyo kilegisi anen do yan agit.

6

Yabekbi pi anek jigi morapmi pawit

¹ Nin Piñkop gat kisi pi kalon anek tebaisi yan dayaman, “Ji Piñkop dakon nandan yawotni yipba bami mini di tanban.”

² Piñkop da yan yosok:
“Nak ji pañpulugoken bisap yipgumon bisitji nandagim.

Ae yokwikon ban timit timit gildaron ji pañpulugagim.”

Nandani. Abisok Pinjkop da nin paɲpulugosak dakon bisap. Abisok nin yokwikon baɲ timiɲjak dakon gildat.

³ Nin amin da pi aman ɲun do yanba yokwi tok anek dima moni yanon da pi amanon gulusun kindi dima aman.

⁴ Nin Pinjkop dakon oman monji egek bisapmi bisapmi miɲat amin morapmon anpak tagisi baɲ yolaman. Jigi mibili mibili noman taɲ niba nin tebaisi akgaman.

⁵ Obisi baljon, ae dam tebanon nipmanan, ae uwal da paɲdagat anek japmi nandanek gen tebai niyan. Ae pi tebaisi anek dipmin tagi dima pokgoman, ae jap do aman.

⁶ Anpak gwaljigi minisi baɲ aman, ae nandak nandak tagisi baɲ timikgaman. Jigi noman taɲ niba but yaworon da ekwaman, ae miɲat aminyo do anpak tagisi anjomaman. Telagi Wupmon tapmin ɲudon timikgaman. Amin do bamisi but dasi galaktan yomaman.

⁷ Gen bamisi baɲ yan tenɲenoman, ae Pinjkop da tapminon pi aman. Nin emat dakon yo amin da kisit teri teri da tebai timikgan ɲun da tilak anpak kilegi timigek Pinjkop dakon pi aman.

⁸ Amin diwari da manin pawikwan, ae diwari da manin paban. Amin diwari da manji gen yan niman, ae diwari da anpak tagi aman yan yon. Amin diwari da nin do top amin yan yon, mani gen bamisi baɲ yoman.

⁹ Amin da dima nandan niman da tilak ekwaman, mani nandan niman. Kimoron kwaman,

mani sigin ekwaman. Amin da nin tebaisi baljon, mani dima nindapba kimokgoman.

¹⁰ Butjik panjek ekwaman, mani bisapmi bisapmi kisik kisik ekwaman. Nin yoni mini amin da ekwaman, mani amin panpulugono yo morapmisi timikgan. Yonin mini, mani yo morap kisi nin dakon gin.

¹¹ Korin amin, gen dayaman unun nomansi dayaman. Nin but dasi galaktan damaman.

¹² But dasi ji timit do dima kurak toman, mani ji da nin but dasi timit do kuragi nandan.

¹³ Nak dat kinda da monji yoyisak unun da tilak yan dayisat, ji nin do but dasi galaktan nimni.

Nin Pinjop dakon yutni

¹⁴ Nandan gadat dima an amin gat gadat gadaron da pi dima ani. Anpak tagi gat anpak yokwi gat tagi panmuwutnen? Bo tenjenji gat pilin tuk gat tagi panmuwutnen?

¹⁵ Kristo gat Sunduk gat but kalon amal, ma? Kristo nandan gadan imisak amin gat nandan gadat dima asak amin gat nandak nandakni iyi iyi.

¹⁶ Pinjop dakon telagi yut gat ae kokup kidat gat tagi panmuwutnen? Pinjop dagok dagok mini egisak unun dakon telagi yutni ekwaman. Kalip Pinjop da yan yagit:

“Nak unun amin kabi gat egipben, ae unun da binapmon agipben.

Anjek Pinjopni egapbo unun da nak dakon minjat amin kabi egipdan.”

¹⁷ Yanjo, Amin Tagi da sigin yan yagit:

“Ji unun yopman degek disi dage egipni.
 Unun amin dakon yoni Pin kop da pindakban
 injani an unun dima igayini.
 Yan anakwa nak da ji but dasi timigek
 18 Datji egapbo ji da nak dakon monji gwayono
 egipni.
 Amin Tagi Tapmim Ami da gen on yosok.”

7

¹ Notnonisi, Pin kop da unun yan teban tok morap
 nin do nimgut, do giptimninon ae wupninon
 yokwi morap ton unun kisisi suganek Pin kop da
 dabilon gwaljigi minisi anen. Anek Pin kop do
 pasalek gawak iminek bisapmi bisapmi telagisi
 egipnen.

*Korin amin but tobil aba Pol but galaksi
 nandagit*

² Ji nin do but dasi galaktan nimni. Nin amin
 kinda do yokwi kinda dima agiman. Nin amin
 kinda yokwi asak do dima iyigiman. Nin amin
 kinda ankiligek yoni di dima timikgiman.

³ Anpakji kokwinigek gen pikon dep do dima
 yosot. Nak yan kili dayigim, nin toktogisi ji do but
 dasi galaktan damaman. Kimotnen bo egipnen
 nin sigin but dasi galaktan damdaman.

⁴ Ji tebaisi akgan yansi nandan teban tosot. Ji
 do tagisi nandisat, ae ji da butno anteban an. Jigi
 morapmi noman tan niman, mani ji do nandanek
 unun da kisik kisik madep namisak.

⁵ Masadonia miktimon abin altagiman
 bisapmon yik yawotjok kinda dima agiman.

Unjodon jigí mibíli mibíli terí terí da abíñ noman tanj nimgwit. Amin da nin gat gen emat morapmi awit, ae butningwan da pasol pasol madepsi nandagimanj.

⁶ Mani Pinjkop but panjeban agak amin da Taitus yabekban abíñ nin dakon but panjeban agít.

⁷ Ae unjun gin díma. Mibíltok jí da Taitus dakon but anjeban aba unjun da ninon abíñ jí da anjak tagisi awit unjun do niyíñban unjun kisi da butnin panjeban agít. Ae jí da nak nandak do madepsi galak tonj, ae yokwi awit do bupmisi nandanj, ae nak anjapulugok do madepsi galak tonj, unjunyo kisi do Taitus da niyígít. Niyíñban kisi kisi da butno tugagít.

⁸ Nak dakon papia da jí butjik damgut, mani unjun do bupmi díma nandísat. Asi, mibíltok bupmi nandagim, mani abisok bupmi díma nandísat. Papia unjun da butjik damgut, mani unjun do bisap písiptomisok gin nandawit.

⁹ Abisok kisi kisi asat, mani jí da butjik pawit do kisi kisi díma asat. Butjik unjun pawit da jikon but tobil panalon agít unjun do anjek kisi kisi asat. Pinjkop da iyí butjik unjun damgut, do nin da gen yipgumanj unjun da jí díma panjupbal agít.

¹⁰ Butjik Pinjkop da panalon asak unjun da ninon but tobil panalon asak. Ae but tobil ano Pinjkop da nin yokwikon banj timíkdak, do butjik pamanj da jigí díma nimísak. Mani on miktím dakon butjik da kímot panalon asak.

¹¹ Jí pakyanjisi nandani. Butjik Pinjkop da damgut unjun da jikon anjak tagí mibíli mibíli panalon agít.

Uñun da ji pan̄tagap aban jigisi tepmisi pan̄milip ak do pi awit, ae japmi nandanek sun̄ agit amin̄ uñun tebaisi iyiwit, ae Pin̄kop do pasol pasol awit, ae nak nandak do galagi nandawit, ae sun̄ agit amin̄ uñun an̄pakni an̄milip ak do pi tebai awit. Ji uñun an̄pak morap awit uñun da jikon gulusun̄ kindā dīma tosoḱ yan̄ nolisak.

¹² Nak papia uñun sun̄ agit amin̄ gat ae yokwi an̄ ingut amin̄ uñun bamot do nandanek dīma mandagim. Pin̄kop da dabilon ji nin do but dasi galaktan̄ niman̄ uñun ji da pakyañsi nandani do nandagim. Mibili yan̄ do an̄ek papia uñun mandagim.

¹³ Uñun an̄pakji da nin dakon but pan̄teban asak.

Asi, ji da butnin pan̄teban awit, mani uñun gin̄ dīma, nin kisik kisik madepsi agiman̄, nido ji da Taitus dakon nandaba kikiñ an̄milip aba butni yaworisi tagit.

¹⁴ Kalip nak ji dakon an̄pak tagisi do Taitus iyin̄ek man̄ji pawigigim. Ae geno uñun do mayagi dīma nandagim, nido ji dakon an̄pak do gen morap yagim uñun bamisi gin̄. Gen morap dayigiman̄ uñun bami gin̄. Ae ji dakon man̄ pawigek Taitus do gen uñun yagim uñun kisi bamisi gin̄.

¹⁵ Taitus jikon apgut bisapmon ji da nandaba wikwan im̄in̄ek pasal n̄imn̄imikyō an̄ek abidan̄ek geni guramikgwit. Uñun da uñun an̄pak awit uñun do sigin̄ nandan̄ egek ji do nandaban yo madepsi asak.

¹⁶ Abisok but galak madepsi nandisat, nido ji da an̄pak kilegisi gin̄ akdan̄ yañsi nandisat.

Paret ak do tagap tok ani

*(Kilapmi 8-9)***8***Pañmuwukbi da Judia amin pañpulugok do paret awit*

¹ Not kabi, Piñkop da Masadonia pañmuwukbi do nandan yawok yominek pañpulugagit unun do dayikdisat.

² Jigi madepsi noman tanek unun da nandan gadatni pañkewalgit. Unun bisapmon bupmisi egipgwit, mani kisik kisik madepsi anek amin diwarì pañpulugok do moneñ morapmi pañmuwukgwit.

³ Nomansi yañsi dayisat, unun da iyi dakon galaktok yolek paret awit. Moneñ yomyomi dakon tilak yapmanek madepsi yomgwit.

⁴ Unun da nin kisi da telagi pañmuwukbi Judia ekwan unun pañpulugoneñ do tebaisi niyiwit.

⁵ Ae paret awit unun moneñ banjin dima awit. Mibiltok iyi ban Piñkop do paret awit. Ae Piñkop dakon galaktok yolek iyi ban nin do kisi paret awit.

⁶ Kalip Taitus da nianon da paret wasanek ani unun do dayigit, do jikon tobil kinek paret dakon pi an mudoni yan dayisak do nin da tebai iyigiman.

⁷ Ji yo morapmon anpak tagisi an. Ji Piñkop tebaisi nandan gadan iman, ae gen tagisi yon, ae nandak nandakji ton, ae Piñkop dakon pi ak do galagi madepsi nandan. Ae nin do but dasi galaktan niman. Yando, nandan yaworon da paret ak do nandan unun but dasi nandanek kilegisi ani.

⁸ Ji da si anisi do gen teban dima yipmandat. Masadonia panmuwukbi da paret ak do buri pidon, jiyo yan gin paret ak do butji pidoni kan, nak da ji asisi amin do but dasi galaktan yoman yan nandan daben.

⁹ Ji Amin Tagi Yesu Kristo dakon nandan yawotni unun nandan. Unun yoni morapmi tan imgut, mani nin panpuluganban yo morapmisi timitneƙ do aƙek bupmi aminsi dagagit.

¹⁰ Kili paret panmuwutdan unun do nandak nandak daben. Apma bilak do ji pi unun wasaƙek paret ak do galagisi nandawit.

¹¹ Do pi unun aƙ mudoni kan tagisi. Kalip butji pidanba pi unun ak do galagisi nandawit, do abisokyo kisi yan gin yo tan damaƙ unun da aripmon tepmi aƙ mudoni kan tagisi.

¹² Amin kinda paret akdosi nandaƙek yo tan iman da aripmon paret asak kan, Pinƙop da unun do tagisi nandisak. Ae paret ak do yoni mini kan, unun kisi tagi yan nandisak.

¹³ Ji da jigi madepsi panakwa amin diwari tagisi egipni yanon da dima yosot. Nin kisi tilak kalonikon gin egipneƙ do nandisat.

¹⁴ Abisok yosi morapmi tan damaƙ, do wadak wadak aƙ amin tagi panpulugoni. Ae don, ji da wadak wadak ani kan, unun yoni morapmi tan yomnikon ji tagi panpulugoni. Yan ani kan, ji kisi morap tilak kalonikon gin tagi egipni.

¹⁵ Pinƙop gen papia da unun do yan yosok:
 “Amin jap morapmi similgwit unun tilakni yapmanek dima similgwit,

ae amin kalonꞑsok similꞑwit jap do wadak wadak dima awit.”

Pol da amin yabekban Korin kiwit

¹⁶ Nak Piꞑkop ya yaꞑ iyisat. Uꞑun da Taitus dakon but aꞑtagap aban nin da ji paꝼpulugok do nandamaꝼ uꝼun yo kisi yaꝼ gꝼin nandisak.

¹⁷ Tobil jikon opjak do iyino tagi yaꝼ yagit. Mani iyi jikon op do madepsi galak tagit do jikon obisak.

¹⁸ Ae notnin kinda gat yabetno uꝼun gat kisi obamal. Uꝼun amin paꝼmuwukbi morapmon Gen Bin Tagisi yaꝼ tenꝼenok dakon man bini toꝼ amin kinda.

¹⁹ Ae uꝼun gꝼin dima. Nin gat kisi agek nin paꝼpulugaꝼban nin kisi da paret uꝼun timik paꝼkineꝼ do paꝼmuwukbi da manjiwit. Nin Amin Tagi man madep im do nandamaꝼ, ae miꝼat aminyo paꝼpulugok ak do galagisi nandamaꝼ uꝼun amin da kaꝼ nandanyo ani do pi uꝼun amaꝼ.

²⁰ Nin paret madepsi uꝼun paꝼmuwaꝼ uꝼun nin da kilani amaꝼ uꝼun do amin kinda da yaꝼba yokwi tok kinda dimasi asak do nandamaꝼ. Yaꝼdo, notnin uꝼun abidono kisi akwamaꝼ.

²¹ Nin aꝼpak kilegisi gꝼin ak do nandamaꝼ, ae Amin Tagi da dabilon gꝼin dima, miꝼat aminyo da dabilon kisi ak do nandamaꝼ.

²² Ae nin notnin kinda gat yabetno amin bamot gat kisi kwanꝼ. Bisap morapmi pi mibili mibilikon aꝼkilik kono pi but dasi aban kagimaꝼ. Uꝼun ji da pi tagisi akdaꝼ yaꝼsi nandisak, do pi uꝼun ak do galagisi nandisak.

²³ Ji Taitus kili nandaꝼ imꝼwit. Taitus uꝼun nak gat gadat gadaron da ji paꝼpulugok do pi

kalonji amak. Ae amin bamot do yanjsi nandani, unun panmuwukbi dakon injam timigek akwamal, ae Kristo man madep imamal.

²⁴ Ji unun amin anpak tagisi anyomni, anakwa panmuwukbi morap da ji da amin do but dasi galaktan yoman yan nandan damni. Ae nin da ji dakon man isal dogin awikwaman yan dima nandani.

9

Jerusalem panmuwukbi do paret panmuwutni

¹ Ji nin da telagi panmuwukbi Jerusalem ekwan unun do paret panmuwukgaman unun dakon geni kili nandawit, do gen dubagi dima mandaken.

² Nak nandisat, ji amin panpulugok do galagi madepsi nandan, do Masadonia minat aminyokon manji pawigisat. Nak yan yoyisat, “Apma bilagon da win abisok Akaia panmuwukbi paret ak do tagap tawit da ekwan.” Gen unun nandawit bisapmon buri pidanba iyiyo kisi paret ak do tagisi nandawit.

³ Mani nak da ji dakon man pawigisat unun gen isali dima asak do nandisat. Ae nak ji da paret yop do kili tagap tawit yan kili yoyigim, do amin kapbi unun yabekgo obin ji pan-tagap aba paret yop do wagil tagap tanek egipni yan do yabekdat.

⁴ Ji paret ak do wagilsi tagap tan yanjsi nandan. Mani nak gat Masadonia amin di gat da obin dandano ji dima tagap toni kan, nak gat ji gat kisi mayagi pakdaman.

⁵ Yan-do, nak amin kapbi unun yabekgo mibiltan jikon obin panpuluganba paret unun yop do yawit unun panmuwutni do nandisat. Do nin da open

bisapmon amin da ji but galagon da paret an yan dandani. Nin da teban teban yanapno an yan dima nandani.

⁶ Ji gen on do nandani. Jap kalonɔsok kwaokdak amin unun bami kalonɔsok pasak. Ae jap morapmi kwaokdak amin unun bami morapmi pasak.

⁷ Do ji morap kalon kalon nandan kokwin anek paret nian da yop do nandan unun da aripmon yopni. Amin kinda butjigon da bo ae amin da teban tebanon da di yopban. Pinƙop da amin but galagon da paret asak unun do galak tosok.

⁸ Ae Pinƙop da yo tagisi morapmi aripmi tagi daminakwan yo kabisi morapmi akdan. Anakwa yosi aripmisi tan daminakwa amin diwari tagi panpulugoni.

⁹ Pinƙop da papiakon gen yan tosok:

“Amin kilegi amin da jap yet tinƙinon unun da tilak bupmi amin do yo morapmi yomisak.

Anpakni kilegi unun toktogisi tan anan kisak.”

¹⁰ Pinƙop da jap kwaokdak amin do jap yet imisak, ae jap iban nosok. Unuden gin Pinƙop da yo morapmi daban aripmisi akdan. Ae amin da pigaga jap yet kwaogek don bami morapmisi ton unun da tilak anpakji kilegi da morapmisi tokdan.

¹¹ Pinƙop da yo morapmi daminakwan ji da amin diwari tagi panpulugoni. Ae ji da paret panmuwutni unun nin da wadak wadak amin do yominapno unun do Pinƙop ya yan iyikdan.

¹² Do ji da paret ani unun da Pinƙop dakon minat aminyo panpuluganban wadak wadak sanbenek

dima ani, ae unun do anek Pinjkop do ya yan madepsi iyikdan.

¹³ Ji da paret ani unun da anpakji tagisi noman panalon akdisak. Ae ji da Kristo dakon Gen Bin Tagisi abidawit da tagisi guramikgan yan amin da dandani. Ae ji da unun gat ae amin diwari gat kisi do yo morapmi yomihakwa unun do Pinjkop anjisini.

¹⁴ Ae Pinjkop dakon nandan yawotni jikon tugosok yan dandani, do ji do but dasi galak tan daminek ji do bisit ani.

¹⁵ Pinjkop da but galak do yo nimgut unun madepsi daman, gen kaga da aripmi dima yogogi. Do nin Pinjkop ya yansi iyinen!

**Amin diwari Pol do yanba yokwi
tok aba geni panmilip agit**
(Kilapmi 10-13)

10

Pol da amin abin yip do awit dakon geni panmilip agit

¹ Amin diwari da yanba yokwi tok an naminek yan yon, “Pol nin gat kalonj ekwaman bisapmon pinji egisak, mani dubagikon kisak bisapmon tebai niyisak.” Mani nak Pol da ji Kristo da pinji egek amin do anpak yaworisi an yomgut unun do nandanek gen dayikdisat unun do pakyanji nandanani do nandisat.

² Yan dayisat, ji kan kimotni. Nak jikon opbo egipnen bisapmon gen tebai di dayikom. Jikon amin diwari da yabekbi nin da on miktimon amin

dakon anpak yolek pi aman yan nandan. Nak unuden amin gen tebai aripmi tagi yoyiken.

³ Nin miktimon ekwaman, mani miktim amin da emat an unuden dima aman.

⁴ Emat dakon yo timikgaman unun on miktim dakon dima. Unun Pin kop dakon tapmimni unuden tosok, do uwal dakon tapmim aripmi tagi abisak.

⁵ Nin nandak nandak morap gat ae top gen morap amin da Pin kop nandan im do anakwa kosit sopman gan unun pabin yopman gaman. Anek amin dakon nandak nandak do dam tebai anek Kristo nan gin yolni do yoyin dekgaman.

⁶ Ae nin ji do jomjom aman. Ji diwari nin dakon gen morap guramik kimotni bisapmon, gen pabin yopman gan amin tepmi pi yom do tagap toman.

⁷ Ji kwen nani ban gin pindak gan. Amin kind a iy i do nak Kristo dakon amin egisat yan si nandan teban tosok kan, unun amin pakyan si yan si nandisak, ninyo kisi Kristo dakon amin.

⁸ Amin Tagi da on pi nin da anen do yan dagok an nimgut. Nin da ji dakon nandan gadat pan teban anen do nandisak. Nandan gadatji pan upbal anen do dima nandisak. Yan do, nin manin timisok di awiginen kan, nin unun do mayagi dima panen.

⁹ Nak papiakon da ji pan pasol ak do dima nandisat.

¹⁰ Amin diwari da yan yon, “Pol da papiakon gen tebai morapmi yosok, mani iy i abin nindasak bisapmon tapmimni mini koman, ae gen yogokni unun tagi dima.”

¹¹ Gen unuden yon amin da pakyan si yan nandani. Nin opno ji gat egipneŋ bisapmon papia damgumaŋon gen toŋ unun da aripmon anpak unun ban anek egipdamaŋ.

¹² Nin amin diwari da iyi dakon man pawikwan nin yan dima aneŋ. Ae nin dakon anpak unun gat arip yan dima yoneŋ. Unun amin da iyi gat tilak anek anpakni kokwinikgaŋ. Ae notni dakon anpak iyi dakon gat tilak anek kokwinikgaŋ. Yan an amin unun nandaŋ kokwini tagi dima.

¹³ Mani nin man pawigik dakon tilak yapmanek manin dima pawigineŋ. Nin Pin kop da pi nimgut unun anek iyi tilak yipgut unun yolek anpaknin kokwin aneŋ. Ae Pin kop da pi unun aneŋ dakon tilak yipban Korin amin ji kisi da aripmon kigit.

¹⁴ Nin manin madepsi dima pawikwamaŋ. Nin jikon pi agimaŋ, do unun da tilagon gin manin pawikwamaŋ. Nin jikon Kristo dakon Gen Bin Tagisi dima yagimaŋ tam manin aripmi dima pawiginom. Nin da mibiltok jikon abinek Gen Bin Tagisi yan tenŋeŋaŋ damgumaŋ.

¹⁵ Nin pi gakinin yapmanek amin diwari da pi awit unun do top yanek nin da agimaŋ yan yanek manin dima pawikwamaŋ. Nin ji dakon nandaŋ gadatji teban tosak, ae jikon pi amaŋ unun madepsi paptosak dosi nandamaŋ.

¹⁶ Ae ji da ekwan da manjigwan miktim toŋ nin unudon Gen Bin Tagisi yan tenŋeŋok do nandamaŋ. Nin amin da pi kili awit tamokon kin pi anek manin dima pawigineŋ.

¹⁷ Pin kop gen da yan yosok:

“Amin kinds yo kinds do yo madepsi yan nandak do kan, Amin Tagi dogin yo madepsi yan nandan imdo.”

¹⁸ Do amin kinds iyi dakon man awigisak unun Amin Tagi da dabilon mani mini. Mani amin kinds Amin Tagi da mani awigisak unun amin mani ton.

11

Pol gat yabekbi toptopmi gat dakon gen

¹ Nak do bikbik naba nandan kokwini tagi dima amin da yan gen di dayiken. Mani bikbik kili namgwit.

² Pin kop da ji iyikon gin gadanek egipni do nandisak, ae nakyu kisi yan gin nandisat. Nak da ji Kristo do manjigim, minatjok gimonisi amin gat dima pakbi amin kinds pasak do manjikbi unun da tilak ji Kristo do manjigim.

³ Mani tunon amin da Ip ankwalgit unuden jikon yan gin noman tosak do pasoldot. Nandak nandakji upbal tanba anpak gwaljigi minisi gat ae Kristo dogin nandanek egip egip unun di yipman dekbam.

⁴ Nak pasoldot, nido amin diwari da abin jikon Yesu nwakwari kinds nin da kalip dima dayin tentenagiman unun do dayan, bo ji da wup nwakwari kinds kalip dima abidawit unun abidoni, bo gen bin tagisi nwakwari kinds kalip nin da dima dayigiman unun abidoni bisapmon, ji geni nandakdo gin tagap tanek ekwan.

⁵ Nandani. Uñun yabekbi ji da nandaba wukwan yomañ nak uñun dakon piñbini ñima egísat yañsi nandísat.

⁶ Asi, gen yogokno tagísi ñima, mani nandak nandakno uñun tagísi. Uñun nandak nandakno añpak morap agímañon kili doligímañ.

⁷ Nak jikon Piñkop dakon Gen Bin Tagísi yañek uñun dakon tomni ñima timíkgim. Yañ añek nak ji dakon man pawígik do añek naga do nandako pigít. Yañ agim uñun yokwi agim yañ nandañ, ma?

⁸ Pañmuwukbi ñiwarí da moneñ naba uñun da nak joníkban ji pañpulugok do pi agim. Yañ agim uñun da kabo nagim yombem asak.

⁹ Nak ji gat egípgum bisapmon nak añpulugoni do bisít ñima dayígim. Not Masadonia da Korin apgwit uñun da nak dakon wadak wadak añpulugawit. Nak jigí ñima dam do nandagim, ae uñun nandak nandak sigín nandañ egísat.

¹⁰ Kristo dakon gen bamí nagon tosok, do nak asisi dayísat, amin kindá da añpak agim do naga do nandabo wígísak dakon kositno Akaia provins amin kindá da aripmí ñima sopmañ namjak.

¹¹ Nak mibíli nido yañ agim? Nak ji but dasi ñima galaktañ damísat mibíli yañ do agim, ma? Uñun ñimasi. Piñkop da nandísak, nak ji do but dasi galaktañ damísat.

¹² Mani amin ñiwarí miñat aminyo da dabilon nin yombem dagañek mani pawígik do kosít wisík añakwa nak da uñun kosít sopmañ yom do pini asat, ae yañ sigín akdísat.

13 Unun amin unun yabekbi toptopmi, miñat aminyo pañkewal do pi añ. Unun amin kulabik añek ji da Kristo dakon yabekbi bamisi yañ pindatni do topmon da pi añ.

14 Ji unun do dima wuripdatni. Sunduk da iyi kulabik añek amin da tenñeñi dakon añelo kindá yañ koni do topmon da agisak.

15 Do unun Sunduk dakon pi amini kisi kulabik añek amin da añpak kilegi dakon pi amin yañ pindatni do topmon da pi ani kañ, ji unun do dima wuripdatni. Don pi awit unun da aripmonsí tomni yokwisi tímítđañ.

Pol yabekbi pi añek jigí mibíli mibíli pagít

16 Nak aeno yokenj. Ji nak do asi nandanj kokwino tagi dima yañ dima nandanj namni. Mani ji da nak nandanj kokwini tagi dima amin kindá yañ nandanj kañ, unun kisi tagi gin. Mani bikbik namñakwa mano tímísok di awigikenj.

17 Nak Amin Tagi dakon galaktok yolek gen on dima yosot. Nak nandanj kokwini tagi dima amin daganjek naga dakon man awigísat.

18 Amin morapmi miktím dakon añpagon da mani pawíkwanj, do nakyo kisi yañ gin abenj.

19 Ji disí do nin nandanj kokwinin tagisi yañ nandanj, do nandanj kokwini tagi dima amin dakon geni nandak do kisis kisis añ.

20 Asi, amin da ji pañkewalek oman amini dep do añ, bo yosi kabokon da tímik mudonj, bo galaktokni yolni do pañkewalganj, bo iyi dakon man pawíkwanj, bo ae mogim kulbak dikganj bisapmon ji da yum pindagakwa galak toknikon ji pabinj depmanjanj.

²¹ Nak mayagi nandanek yan dayisat, nin jikon anpak unjuden anej dakon tapminnin mini.

Mani amin kinda iyi dakon man awigisak kan, nagayo kisi mano awigiken gin. (Nak nandan kokwini tagi dima amin da yan yosot.)

²² Unjun amin Ibru amin, ma? Nak yo kisi Ibru amin gin. Unjun amin Israel amin, ma? Nak yo kisi Israel amin gin. Unjun amin Abraham dakon babakni, ma? Nak yo kisi Abraham dakon babakni.

²³ Unjun amin Kristo dakon oman amini, ma? (Kili nak nandan kokwini tagi dima aminsi da yan yosot.) Nak da unjun amin yapmanek Kristo dakon oman amini tagisi egek pi madepsi agim. Ae unjun amin yapmanek bisap morapmi dam tebanon egipgum. Ae bisap morapmisi nkgwit, ae jigi morap unjun pagim do nak da unjun amin yapmandat. Ae bisap morapmi palisi kimagim.

²⁴ Juda amin da nak amin baljok nap ban kosiri 39 yan baljawit. Yan unjun bisap 5 kabi awit.

²⁵ Bisap kapbi nak kindap kirin ban baljawit. Bisap kindakon tip ban nkgwit. Bisap kapbi tap waggakon agapbo tuwil kiwit. Kinda da tuwil kigit bisapmon nak tap idapmon pilin kinda ae gildat kinda pakbi da awilgit.

²⁶ Bisap morapmi nak kosit dubagikon kinapbo pakbi da pali ankiwit, ae kabo noknok da jigi namgwit, ae naga dakon amin Juda amin da jigi namgwit, ae Amin Nwaknwaru Kabi da jigi namgwit. Ae kokup papmon, ae miktim kibiri amin da aripmi dima egipmi timon, ae tap kwenon

pali kimakgim. Ae panmuwukbi toptopmi da jigi madepsi namgwit.

²⁷ Nak pi tebaisi mibili mibili agim. Kalbi morapmi pi anek dipmin dima pakgim. Nak jap pakbiyo do madepsi anek bisap morapmi japmi mini egipgum. Ae bisap morapmi mirimisi nandank mirim imalno mini da egipgum.

²⁸ Ae jigi diwari mibili mibili gat kisi pagim. Ae gildari gildari panmuwukbi morap do nandaba kik anek jigi madepsi pasat.

²⁹ Panmuwukbi kinda dakon tapmim mosok bisapmon nak dakon tapmim kisi mosok. Ae Yesu yolyol amin kinda amin kinda da yokwi asak do iyinban yokwikon mosok bisapmon nak unun do japmisi nandisat.

³⁰ Nak mano awigikenji kan, yo ni da tapmimno madep dima yan nolinban kosot, nak unun ban awigikenj.

³¹ Pinjop, Amin Tagi Yesu dakon Pinjopni ae Datni nak top dima yosot yanji nandisak. Nin toktogisi mani anjisinenj.

³² Damaskus egipgum bisapmon Kila Amin Madep Aretas dakon kila amini da nak abidan dam tebanon nep do anek emat amini yoyinban kokup pap dakon tip dam madep dakon yoma kagakon nak abidok do kila anek akgwit.

³³ Mani not diwari da nak gok kindakon nepmanek tip dam dakon kosit gwagagon da nap anyawot anakwa miktimon pigigim. Yan anakwa kila amin da kisiron da pulugan kinjek kigim.

12

Pinjkop da yo morapmi Pol do dipmin yombemon yolinban pindakgit

¹ Nak naga dakon man awigikenŋi. Asi, unun da nin tagi dima paŋpulugosak, mani Amin Tagi da dipmin yombem ae yo pasili di paŋalon aŋ namgut unun do dayikdisat.

² Nak Kristo yolyol amin kindanandaŋ imisat, unun bilak 14 mudanakwa Pinjkop da abidan aŋaŋ Kwen Kokup 3 kon unudon awigi yipgut. Unun giptim walimbil wigigit, bo giptim yipmanjek wigigit nak dima nandisat, Pinjkop daŋin nandisak.

³⁻⁴ Nak nandisat, Pinjkop da unun amin aŋaŋ Paradais kon awigigit. Unun giptim walimbil wigigit, bo giptim yipmanjek wigigit nak dima nandisat, Pinjkop daŋin nandisak. Kwen Kokup-mon egek nandanakwan gen njwakŋwarisi, amin da tagi dima yogogi nandagit.

⁵ Nak unun amin dakon mani tagi awigiken, mani naga dakon man dima awigiken. Nak naga tapminno mini yaŋsi nandisat, do mano awigiken kaŋ, tapminno mini do aŋek mano tagi awigiken.

⁶ Nak naga dakon man awigiken kaŋ, nak nandan kokwini tagi dima amin da yaŋ dima yoken, nido nak gen bamisi yoken. Mani nak naga dakon man awigik do dima nandisat, nido amin da mano awigini do dima galak tosot. Unun da aŋpakno gat ae gen yogokno gat pindagek unun da tilagonjok mano awigini kaŋ unun tagi.

Yo kisigi ton yombem kindananda Pol sugagit

⁷ Piŋkop da uŋun yo pasili tagisi morap noligit, mani uŋun yo morap do nandanek naga do kisik kisik dima abeŋ do Piŋkop da nandagit. Yanċo, yum kaŋakwan yo kisigi toŋ yombem kinda da giptim timno sugagit. Uŋun Sunduk dakon oman monjini da nak do yo yokwi aŋ namisak.

⁸ Nak bisap kapbi Amin Tagi da uŋun yo abidan maban kisak do bisit tebai agim.

⁹ Mani yaŋ nayigit, “Nak dakon tapmim amin tapmimni minikon pi tagisi asak, do nak nandan yawok gaminek tagi aŋpulugokdisat.” Uŋun da yaŋ nayigit, do nak abisok tapmimno mini da egisat uŋun do kisik kisik asat, nido Kristo dakon tapmimni nagon tosak do nandisat.

¹⁰ Yanċo, Kristo dakon pi aŋek tapmimno mini asak bisapmon, bo amin da yaŋba yokwi tok aŋ naman, bo jigi mibili mibili da nak altaŋ naman, bo amin da nak aŋupbal ak do pi aŋ bisapmon butno tagisi taŋakwan egisat. Nido tapmimno mini bisapmon Piŋkop da tapmim madep namisak.

Pol Korin amin dakon nandan gadat paŋteban ak do nandisak

¹¹ Gen on yosot uŋun nandan kokwini tagi dima amin dakon gen, mani disi aŋpak aŋ uŋun pindagek yaŋ yosot. Asi, nak amin isali kinda, mani ji da nak do amin tagisi yaŋ yawit tam tagisi, nido uŋun yabekbi ji da nandaba wukwan yoman nak uŋun dakon piŋbini dima egisat.

¹² Nak ji gat egipgumaŋ bisapmon pi morapmi agim uŋun da nak yabekbi bamisi yaŋ doliŋban disi kawit. Nak tebai agek jigi guramigek tilak masi

masimi, ae wasok tapmimi ton, ae pi tapmimi ton morapmi agim unun da nak Pin kop dakon pi nan agim yan doligit.

¹³ Jikon anpak agim unuden gin panmuwukbi diwarikon yan gin agim. Yo kalonji kinda gin jikon dima agim, ji da nak panpulugok ani do jiggi dima dangum. Unun sun agim yan nandan? Yan kan diwarino yipman namni.

¹⁴ Nak abisok jikon opbo bisap kapbi akdisak, ae unun bisapmon kisi jiggi dima daben. Nak ji dakon yo kabisi timit do dima nandisat, nak disi ban timit do nandisat. Disi nandan, minjat monjiyo da menj datyo panpulugok do yo dima panmuwukgan, menj datyo da minjat monjiyoni panpulugok do yo panmuwukgan.

¹⁵ Nak but galak nandanjek ji panpulugok do yo morapno gat ae egip egipno gat kisi daben. Nak ji do but dasi madepsi galak tan damisat, do ji mibili nido nak do madepsi dima galak ton? Unun tagi dima!

¹⁶ Asisi, nak jiggi dima dangum, mani amin diwari da yan yon, "Pol unun nin da galaktokni yolnen do pasilikon da nin pankewalgit."

¹⁷ Jikon amin di nak da yabekgo opgwit, unun kabikon da kinda da galaktokni yolni do pasilikon da ji pankiligek yo kabisi timikgwit, ma?

¹⁸ Nak Taitus jikon opjak do tebaisi iyiko opgut, ae unun notnin kinda gat kisi yabekgo opgumal bisapmon Taitus da galaktokni yolni do pasilikon da ji pankiligek yo kabisi timikgit? Unun dimasi!

Taitus gat nit nandak nandaknit kalonji ae anpaknit kalonjisi gin.

¹⁹ Ji da papia on manjinek nin da genin panjeban ak do mandaman yan nandan? Unun dimasi. Nin egip egipnin Kristokon tosok, ae Pinjokop da dabilon gen bamisi dayaman. Notnonisi, yo morap aman unun ji dakon nandan gadat panjeban ak do aman.

²⁰ Nido nak abin dandako anpak nak da si galak tosot unuden an amin di dima ekwa pindakgen yan do nak timisok di pasoldot. Ae jiyo kisi da nak nandaba anpak ji da si galakton unuden agak amin kinda da yan dima di egipbom. Nak obin dandako gen emat, ae amin do nandaba yokwi tok, ae butjap, ae disi dogin nandaneke egip egip, ae amin do yanba yokwi tok, ae manji gen, ae pibit tidok anpak, ae pi panjupbal ak anpak, unun anpak morap jikon tanba pindakgen yan do pasoldot.

²¹ Nak ae opben bisapmon Pinjokop da ji da dabilon abin nepjak do pasoldot. Kalip jikon amin morapmi da anpak injani morapmi, ae yumabi anpak mibili mibili awit. Nak obin dandaken bisapmon ji but tobil dima anek unun anpak yokwi morap sigin aba dandaken kan, nak bupmisi nandaken.

13

Korin amin nandan gadatni dakon kila tagisi ani

¹ Abisok jikon opbo bisap kapbi asak. Pinjokop gen papiakon gen yan tosok:

“Amin bamori bo kapbi da amin kinda da sun aban kanek asi sun agi yan yoni kan, unun bami yan nandani.”

² Nak mibiltok opgum da ae unun da manjikon opbo egipguman bisapmon kalip yokwi awit amin gat ae amin diwar kisi mama gen yoyigim. Ae abisok dubagikon egek aeno yan yoyisat, aeno jikon tobil opben kan, yokwi awit amin kobogi yomdisat.

³ Kristo asi nak da gen kagakon da gen yosok bo dima ji unun kok do yon, do unun anpak abo, nak Kristo dakon gen abidanek yosot yansi nandakdan. Kristo ji panmilip ak do tapmim wisik dima asak, jikon tapmimni madepsi.

⁴ Asi, Kristo kalip tapmimni mini nan tilak kindapmon anakgwit, mani abisok Pinkop da tapmimon kalugi egisak. Nin unun gat gadagiman ae tapmimninyo kisi mini, mani nin Pinkop da tapmimon unun gat kalugi egek ji panpulugok do pi akdaman.

⁵ Ji nandan gadat bamisi an bo dima, yan do disi ban pankiligek pindatni. Yesu Kristo ji da butgwan egisak, ji unun dima nandan? Unun jikon dima egisak kan, nandan gadatji bami dima.

⁶ Ae nin Kristo dakon yabekbini bamisi yan disi kokwinigek nindani do nandisat.

⁷ Nin Pinkop da ji panpulugan akwan yokwi kinda dima ani do bisit aman. Ji da nin do Kristo dakon pi amin yan nindani yan on da gen on dima yoman. Ji da nin do pi amin toptopmi yan tagi nandani, mani yo madep unun ji da anpak tagisi banjin ani

do nandaman.

⁸ Nido nin gen bami abin yip do yo kinda aripmi dima anej. Nin gen bami jonit dogin pi aman.

⁹ Ji tebai agakwa nin dakon tapmim mini an bisapmon nin unun do kisik kisik aman. Ae ji nandan gadat kalip tebai awit unun ankaluk anek aesi tebai atni do bisit aman.

¹⁰ Amin Tagi da pini kila aben do nak tilak anek yandagok an namgut. Nak abisok ji da dubagikon egek papia on mandisat, nido jikon obin ji dakon anpak panmilip ak do gen tebai yok do dima galak tosot. Amin Tagi da ji dakon nandan gadat panteban aben do pi on namgut. Nandan gadatji panupbal aken do dima namgut.

Pol da galok gen yagit

¹¹ Not kabi, nak gen wasip anek galok gen dayisat. Ji anpakji panmilip anek kilegisi egipni. Geno nandanek guramitni. But kalonon da yaworisi egipni. Yan anakwa Pin kop but dasi galaktan daminek but yawot damisak unun da ji gat egipjak.

¹² Panmuwukbi notji gat domdom ani bisapmon but dasi timitni. Pin kop dakon telagi panmuwukbi idon ekwan unun da ji do gildat tagi yan dayan.

¹³ Amin Tagi Yesu Kristo dakon nandan yawotni, ae Pin kop dakon amin do but dasi galak tan yomyom anpakni jikon tosak, ae Telagi Wup da ji panpuluganban but kalon si egipni dosi nandisat.

PIN^{KOP} GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 18 Apr 2025 from source files dated 31 Aug 2023

b683ce50-d820-5bfc-8471-d8ee080be106